

Berchtold Haller<sup>1)</sup> an Vadian.

(Bern.) 1535. Mai 17.

Empfehlung des Überbringers, Dr. Melchior Volmars, welcher auf der Rückkehr von Bourges nach Isni über St. Gallen kommt. Er war der Mitschüler Hallers in Rottwil und Bern und wünscht sehnlich, mit Vadian bekannt zu werden.

S. Habes hic, vir ornatissime, fratrem meum non secus ac germanum, doctorem Melchiorem Volmarium, qui ex academia Biturigenisium ad Isniacum rediturus S. Gallum pertransire statuit. Quem eo libentius tibi commendare volui, quod sciam tuam in omnes eruditos humanitatem atque ille maxime tuam ambiverit familiaritatem; proinde obsecro te, illi talem exhibeas, qualem soles erga omnes. Dignus esset, quem Helvetia manibus et pedibus amplecteretur et desideraret; sed sic comparatum est, ut me  $\varrho$ dituum<sup>a)</sup> et similes habeat lactucas. Fuimus uterque ab ovo collactanei, unius præceptoris Rubelli, leviri sui, condiscipuli ad annos ferme decem et Rotvilę et Bernę; quare non mireris, quod tantopere eum tibi commendo. Legit Epitome tuum; proinde quam maxime cupit tua familiaritate frui<sup>b)</sup>. Vale, vir doctissime et salvos iube d(ominum) Studerum ac symmystas<sup>c)</sup>. 17. Maii, anno 35. Nihil novi apud nos est, quam quod munere vestro urbi nostrę maxime estis gratificati.

Tuus ex animo *Bertoldus Hallerus.*

Ornatissimo viro Ioachimo Vadiano, apud S. Gallenses consuli, domino et maiori suo summe observando.

a) „e“ für „ę“. — b) „quam maxime“ irrtümlich wiederholt. — c) „simmistas“.

1) Vgl. III, Brief 434.